



KOPI

Meland Idrettsråd  
c/o Bjørn Tore Hesjedal Markavegen 2M  
5918 FREKHAUG

Referanser:  
Dykkar:  
Vår: 18/553 - 18/7871

Saksbehandlar:  
Eirik Bouwer Utne  
eirik.utne@meland.kommune.no

10.04.2018

## Kommunal garanti for spelemidler til bygging av fotballhall

Viser til vedlagt særutskrift frå Meland kommunestyre 21.03.2018, KS-16/2018, og brev frå Fylkesmannen i Hordaland.

Meland kommune har godkjend å gi selvskyldnargaranti for inntil kr 5 mill til bygging av fotballhall ved Fossemyra idrettspark. Garantien skal gjelde ved misleghald av tildelte og utbetalte spelemidler, jf. *Bestemmelser om tilskudd til anlegg for idrett og fysisk aktivitet – 2017* (3.utg, Kulturdepartementet, 2017), kap. 2.2.4 *Kommunal garanti* og 2.3 *Krav til driften og disposisjon over anlegget*. Garantien er godkjend av Fylkesmannen, jf. overnemnde føresegn.

For at garantien skal gjelde, må det utarbeidast ein eigen selvskyldnargarantiavtale mellom IL Kvernbit og Meland kommune, jf. vedtak i KS-16/2018, punkt 3. Meland kommune vil komme med utkast til avtale ved første høve.

Med helsing

Eirik Bouwer Utne  
leiar kultur

*Dokumentet er elektronisk godkjent og har difor ingen signatur.*

### Vedlegg:

Kommunal garanti for spelemidler til etablering av fotballhall ved Fossemyra idrettspark - Særutskrift frå Kommunestyret 21.03.2018  
Kommunal garanti

### Kopi til:

**Kopi til:**

Martin W. Kulild  
Meland Idrettsråd

c/o Bjørn Tore 5918  
Hesjedal  
Markavegen 2M

FREKHAUG

Per Inge Olsen  
Trond Egil Soltvedt

Sagstadvegen 71 5918

FREKHAUG

KOPPI

Mottakere:  
Il Kvernbit

Fosseskarvegen 4 5918

FREKHAUG

KOPPI

394#37457697ad3fa-b2ac-4f36-9f5a0-9fec346242f1:5



# Sakspapir

Saksbehandlar	Arkiv	ArkivsakID
Eirik Bouwer Utne	FA - D11	18/553

Saksnr	Utvalg	Type	Dato
20/2018	Formannskapet	PS	14.03.2018
16/2018	Kommunestyret	PS	21.03.2018

## Kommunal garanti for spelemidler til etablering av fotballhall ved Fossemyra idrettspark

### Saksopplysningar:

#### Bakgrunn

IL Kvernbit har den 22.02.2018 levert søknadar om (1) idrettsfunksjonell førehandsgodkjenning for etablering av fotballhall og rehabilitering av kunstgrasbane, og (2) kommunal garanti for spelemidler til etablering av idrettshall.

Planar for anlegg som det vert søkt spelemidler til, må på førehand vere idrettsfunksjonelt godkjende av Kulturdepartementet. Denne godkjenningsmynda er delegert til kommunane, som likevel kan velje å sende søknadar om godkjenning til departementet for handsaming. I dette tilfellet er det tilrådd å vidarese saka til departementet grunna sakas kompleksitet i høve spelemidler, der IL Kvernbit både byggjar nytt, rehabiliterar og avviklar på same tid. Ei idrettsfunksjonell førehandsgodkjenning må vere søkjar i hende før byggjearbeida er i gang.

Dersom andre enn kommune eller fylkeskommune søker spelemidler til visse typar anlegg, derav alle typar hallar, og der samla tilskot vert høgare enn kr 4 mill., må kommunen der anlegget ligg garantere for tilbakebetaling av tildelte og utbetalte spelemidler ved tilskotsmottakars eventuelle misleghald av krava til drifta av og disposisjonen over anlegget. Desse krava er mellom anna at anlegget skal vere opent for ålmenn idrettsleg aktivitet, at det skal vedlikehaldast og oppfylle ulike krav til drifta av anlegget. Ein slik garanti skal vere ein selvskyldnargaranti, med garantitid på 20 år. Dersom garantiansvaret overstig kr 0,5 mill., må garantien sendast til godkjenning hos fylkesmannen.

IL Kvernbit legg opp til å byggje fotballhall med speleflate 40x60m. Maksimal tilskotssum for denne hallstorleiken er kr 5 mill., og søknad om spelemidler til halletableringa er avhengig av kommunal garanti på tilsvarande sum.

For ytterlegare bakgrunn vil ein vise til *Bestemmelser om tilskudd til anlegg for idrett og fysisk aktivitet – 2017, 3. utgåve*. (Kulturdepartementet, nov. 2017), særleg punkt 2.2.4 – *Kommunal garanti* og punkt 2.5 – *Idrettsfunksjonell forhåndsgodkjenning av planer*, samt plansak 1256 2016 0006 – Fosse idrettsanlegg.

#### Vurdering

Dersom IL Kvernbit skal kunne søkje spelemidler til etablering av fotballhall, krev dette kommunal



garanti. Det er ikkje å forvente at idrettslaget kan gjennomføre utbygginga utan spelemidlar.

Ei idrettsfunksjonell førehandsgodkjenning er avhengig av ei rekkje fastsette vedlegg, mellom anna kostnadsoverslag, finansieringsplan, driftsplan, situasjonsplan, teikningar og forankring i kommunal plan for idrett. Somme av desse tilhøva er avhengig av utfallet av *Klage på plansak 1256 2016 0006 – Fosse idrettsanlegg*, UDU-03/2018. Spørsmålet om kommunal garanti vil likevel gjelde uavhengig av endeleg plassering av hall. Dersom utfallet av klaga fører til at hall ikkje vert etablert, vil garantien falle bort.

Bygging av fotballhall er forankra i *Temaplan for idrett, folkehelse og friluftsliv 2014–2019*. Ein vil vise til temaplanen og nemnde plansak for ytterleg bakgrunn og behovsgrunnlag.

### **Folkehelse**

Etablering av fotballhall vil vere svært positivt for folkehelsa til spesielt barn og unge.

### **Miljø**

Etableringa har innverknad på miljøet. Kunstgrasdekke, samt drift av dette, er rapportert til å skulle ta omsyn til forventa kommande krav i høve granulatproblematikk.

### **Økonomi**

Kommunal garanti vert handsama med bakgrunn i *Forskrift om kommunale og fylkeskommunale garanti* (FOR 2001-02-02 nr. 144), som er hjemla i Kommunelovens §51. *Garantier og pantsetting for andres økonomiske forpliktelser*.

Ein selvskyldnargaranti vil ikkje belaste kommuneøkonomien før eit eventuelt misleghald ligg føre, jf. *Bestemmelser om tilskudd til anlegg for idrett og fysisk aktivitet – 2017, 3. utgåve*. (Kulturdepartementet, nov. 2017), punkt 2.3 – *Krav til driften av og disposisjonen over anlegget*.

Ved ein selvskyldnargaranti er det tilstrekkeleg å vise at det krav som garantien dekkjer er misleghaldt. Manglande betalingsevne eller sviktande betalingsvilje er utan betydning for misleghaldet. Garantisten kan gjere gjeldande motsegn mot kreditor i det underliggende tilhøve, til dømes manglande oppfylling av ein skyldnad eller at kravet er allereie betalt ved motrekning. Selvskyldnargarantisten står ansvarleg som om han selv er skyldnar, men kan òg gjere gjeldande skyldnarens motsegn.

### **Konklusjon**

Etablering av fotballhall ved Fossemymra idrettspark er forankra i *Temaplan for idrett, folkehelse og friluftsliv 2014–2019*, og ei viktig satsing for IL Kvernbit. Tiltaket vil ha ein svært positiv effekt for folkehelsa til alle som bur i Meland kommune, eit behov som òg vil vere til stades i Alver kommune.

Etableringa er avhengig av spelemidlar, og det er eit krav i føresegna om å stille kommunal garanti tilsvarande søknadssum, i form av ein selvskyldnargaranti på 20 år.

Det vert tilrådd til at Meland kommune stiller selvskyldnargaranti på inntil kr 5 mill.

### **Framlegg til vedtak:**

Alternativ A:

Kommunestyret godkjenner at:

1. Meland kommune stiller selvskyldnargaranti på inntil kr 5 mill, for spelemidler til fotballhall med speleflate 40x60m ved Fossemyra idrettspark
2. Garantitida vert sett til 20 år frå utbetaling av spelemidler frå Kulturdepartementet/Hordaland fylkeskommune
3. Det vert utarbeidd ein eigen selvskyldnargarantiavtale mellom IL Kvernbit og Meland kommune
4. Garantien er avhengig av fylkesmannens godkjenning, samt godkjend reguleringsplan

Alternativ B:

Kommunestyret avviser søknad frå IL Kvernbit om kommunal garanti for spelemidler til etablering av fotballhall ved Fossemyra idrettspark.

### **Formannskapet - 20/2018**

**FS - behandling:**

**Framlegg til vedtak i møtet:**

Formannskapet gjer framlegg om Alternativ A:

**Avrøysting:**

**Dette framlegget vart samrøystes vedteke.**

**FS - vedtak:**

Alternativ A:

Kommunestyret godkjenner at:

1. Meland kommune stiller selvskyldnargaranti på inntil kr 5 mill, for spelemidler til fotballhall med speleflate 40x60m ved Fossemyra idrettspark
2. Garantitida vert sett til 20 år frå utbetaling av spelemidler frå Kulturdepartementet/Hordaland fylkeskommune
3. Det vert utarbeidd ein eigen selvskyldnargarantiavtale mellom IL Kvernbit og Meland kommune
4. Garantien er avhengig av fylkesmannens godkjenning, samt godkjend reguleringsplan

### **Kommunestyret - 16/2018**

**KS - behandling:**

**Framlegg til nytt pkt. 5 frå Miljøpartiet Dei Grøne:**

- Føreset at det blir tatt omsyn til forventta komande krav til kunstgrasdekke og granulatproblematikk. Dette må følgjast opp gjennom handlingsplanar for å sikre mest mogeleg miljøvenleg drift av bana.

**Avrøysting:**

Formannskapet sitt framlegg til vedtak vart samrøystes vedteke.

Framlegget frå Miljøpartiet Dei Grøne fekk 3 røyster for, (2 MDG, 1 BF), 22 røyster mot, (AP, H, FrP, SP, KrF, V, Uavh), og fall.

**KS - samrøystes vedtak:**

Kommunestyret godkjenner at:

1. Meland kommune stiller selvskyldnargaranti på inntil kr 5 mill, for spelemidlar til fotballhall med speleflate 40x60m ved Fossemyra idrettspark
2. Garantitida vert sett til 20 år frå utbetaling av spelemidlar frå Kulturdepartementet/Hordaland fylkeskommune
3. Det vert utarbeidd ein eigen selvskyldnargarantiavtale mellom IL Kvernbit og Meland kommune
4. Garantien er avhengig av fylkesmannens godkjenning, samt godkjend reguleringsplan